

Papsturkunden in Frankreich. Band 5: Touraine, Anjou, Maine und Bretagne., Nr. 51

Innocentius episcopus seruus seruorum Dei. Venerabili fratri G. Carnotensi episcopo, apostolice sedis legato, salutem et apostolicam benedictionem. Dilecti filii nostri M. Salmurensis abbatis aduersus fratrem nostrum A. Redonensem episcopum querelam accepimus, quod uidelicet capellanas suas, quas usque ad hec tempora pacifice tenuisse se asserit, sibi per uiolentiam auferat. Quod utique tanto grauius ferimus, quanto predicta Salmur(ensis) ecclesia ad ius et protectionem beati Petri specialiter noscitur pertinere. Quocirca fraternitati tue per presentia scripta mandamus, quatenus iamdictum episcopum sollicite moneas, ut easdem capellanas prefato abbati in pace dimittat, quemadmodum retro actis temporibus habuisse cognoscitur, aut ei exinde iusticiam faciat. Dat. Lat. III kal. nouemb.